

子良詩存

子良詩存卷十四

番禺馮詢

杜鏡塘先生

鑑

屬題松石小照

石床長據坐雲煙
學道何功只自然
黃綺曾爲座上客
藍衫今見洞中仙
掃除煩惱修閑福
閱盡升沉享大年
猶有此髯豪氣在
畫成直幹勢參天

善畫
鉅松

舒藥階秀才

寬詒

出示晚花吟草以柴米油鹽茶

酒醬醋分韻同人和章成帙予亦戲和八首

生無俗豔與時乖
老眼看花帶露揩
背倚西風吟更苦

邇來詩骨瘦於柴

竹籬茅舍貧如洗
閱盡繁華清徹底
生長陶家餓亦高
乞花不乞花囊米

老夫清晨梳白頭

用杜句

笑折寒枝興未休
卻語秋娘簪

不得鬢邊霜重滑於油

畢竟餐英食不兼
臣心如水平風尖
十年飽領清寒味
恰似蓴羹未下鹽

未種禾苗況種花
田園半作戰場沙
危時倍憶豐年樂

采菊歌成當采茶

連歲秋熟

風月世間隨處有，頽然獨醉山中叟。
黃衣不似白衣高，安用聖人惟飲酒。

托根便到瑤臺上，棄置還憂墮塵障。
惆悵年年陌路花，兩風狼藉泥如醬。

瘦影自憐還自顧，有人賞識偏調護。
好花雖豔不爭妍，羞見錦瓶紅醕醋。

狄省三世講集諸弟妹爲吟社詩成卷矣天倫樂
事良不易得題律句於卷首贈之

斯亦花萼集清芬隨卷來絃歌兒女事金玉弟昆才爲

爾吟肩聳而翁笑口開眼前婚嫁別此樂幾多回

熙引之大令熙恬屬題花竹讀書圖照

不簪纓亦不儒巾老吏風流別有真六部已教除籍去

大令由部員改官知縣一官猶爲買書貧世無豪傑誰低首座有

清涼好置身偏喜平頭奴子在與君長掃庾郎塵

金戈鐵馬作吟聲自題長歌雄壯之極有用文章固不平誰道雕

蟲非壯士卽看戎馬屬書生北人學問四字用世說推三輔

南國山河仗百城愧我披圖題不得恐嘲寒瘦以詩鳴

弔吳叅戎錫光有序

吳錫光貴州已革都司也投効江南大營和提

軍和春以吳聞風先逃入奏奉

旨正法時蘇藩陳公啟邁適有撫江之

命憐吳勇奏請隨行將功贖罪吳得不死未兩年復都司陞叅將

賞戴花翎加勇號皆陳公保薦力也義甯州告急陳撫軍委吳叅戎督兵勇往援距州城十里駐紮吳輕身探賊突爲賊戕或曰戕吳非賊乃吳兵勇也先是吳待兵勇厚無賢愚皆結拜兄

弟兵勇挾兄弟之誼求恩不浹積怨成仇故有
是難陳撫軍聞信痛哭方入告請

恩卹而曾節帥已奏叅吳錫光縱兵殃民冒功
濫餉矣是役也吳功吳罪必有能辨者子良子
作詩紀實卽以弔之

莫便矜誇一世雄英雄末路事全空用兵何必誅莊賈
知己偏能死李同薦剡易登宜報德蓋棺難定敢論功
呂蒙魯肅誠兄弟忍使軍前見血紅

題俞芝恬詞本

到處纏綿到處忙
無人顧曲自平章
冬郎詞句秋娘調
一一搜羅入錦囊

回首江亭事事非
潯陽嗚咽不勝悲
將軍得勝教歌曲
鐵板銅琶又一時

曾節帥自撰水師得勝歌教部下將兵

題方梅甫所作入蜀圖

倦遊老矣掩柴關
過眼雲煙盡等閒
偏是崎嶇忘不得
爲君題贈劍門山

示次女

老逐名場萬事昏
愛才物色愧風塵
無端眼力誇同輩

得壻龍頭第一人

定聘未幾日接家書云壻得府考官首矣

女生難定向何方況是危時作合忙
男子終非門限了莫嗔拋汝嫁他鄉

出閣經年望汝歸歸來憔悴轉愁思
亂離壻弱翁姑老汝不能肥禮亦宜

悔挈全家出故山俗情牽繫去來難
明知無味如雞肋爲汝遲遲戀此官

仇穀生大令

治文

屬題白菜圖

菜牛白半紫蓋雪裏紅也

仇侯示我白菜圖白雪之白寒不枯
天公作意到疏食

點綴寒薄爲華腴吁嗟肉食真可鄙肥羊踏碎菜園地
書生三白飯雖香未必朱門知此味一半白齒齧一半
青芙蓉似鍊九轉丹化爲一捻紅不隨黃落奮冷豔菜
根咬得冬青同畫工繪此大有意種菜本是英雄事淒
淒風雨蕪蕪亭畫上雲臺盡金翠秋菰春韭君勿輕什
種鮭入五侯鯖輕紅合併胭脂米重碧還調翡翠羹我
見斯圖長大息咫尺故園歸不得年年菜把受人恩轉
教壯士無顏色

陸小雲哀詞

有序

小雲秦淮妓也癸丑春粵寇陷金陵雲先一日
設酒邀同伴歌舞酣醉夜遂自經亦美談也同
人徵詩作哀詞四絕句

六朝金粉劫成灰多少蠻姬逐隊來側貳到頭終一死
讓他巾幗占渠魁

慷慨投繯轉自悲並頭恩愛更憑誰纏綿百結情先斷
不要人間續命絲

一樣風塵女丈夫英雄不遇壯心孤從戎擊鼓知卿可
只恨韓王世上無

死壓羣芳不算冤歌殘玉笛散金樽若論此段風流劫
占盡秦淮白汝門

爛江西

道路泥濘
俗有此號

汚雪如潑墨盡出爛江西西江水至清照見行人迷誰
操豫章溝通塞使不齊冰雪難爲容糞土相排擠明明
潔白姿墮地爲塗泥滅明不由徑大道仍窪低近復揚
劫灰氛穢到徐隄城外瓦礫場城內潢汚池淨土知何
年汶汶傷黔黎

送舒季方壻避兵移家隨侍遊浙

綠楊宜作兩家春

白香山句時同寓章門

春好偏驚別恨新正喜

東床稱快壻可堪南浦送離人流亡滿地難爲客色笑

辭鄉要悅親卻憶舊時題詠處六橋重過黯傷神

膏粱知樂豈知愁勵志詩成勉此遊王謝好非憑麈尾

常歆高不在龍頭卽論溫飽家家愧未定安危處處憂

畢竟書生誰料得班超投筆便封侯

贈葉晉卿秀才

寶樹

讀書三十年安免腐儒耻脫冠從校尉此念蓄久矣

江羅

東詩脫卻儒冠從校尉一枝長戟六鈞弓蓋憤激之至也嗟乎我葉生積學困鄉里

後輩各崢嶸斯人誰料理比聞賦從軍慷慨爲君喜君
曰司度支會計當而已嗟乎我葉生遭遇難如此出逖
受殊恩終恐負知己以此恩用世大小俱可以平生齷
齪氣吐盡得奇偉用舍觀其大進退慎於始碌碌十九
人毋使中有爾

贈舒椒孫大令

孔安

盡誇兵甲厭儒巾今日何人薦子雲亂世行踪輕寄托
少年心事重功勲天邊星宿郎官應江上風濤壯士聞
安得宦成尋舊社雙溪吟釣更逢君

雙溪椒孫所居地名予家亦曾寄寓

於是同人有菊花詩社自遭兵燹
競散紛離回望舊遊悵然神往

慶趾齋別駕

慶稿

以時事多艱卽漁樵耕讀亦今不

如昔屬各賦一詩誌感

三千水族猛如飛大入江湖小澗溪若使老漁真巨手
世間何處有鯨鯢

依附長林勢競攀樵夫漫詡採薪還殘根敗節知多少
恨不成材也出山

二頃無田莫怨貧一廛纔受是官身年來一事真堪怪
足穀多牛便畏人

了無情緒戶長扃飲酒觀書待賊平張翥授徒惟教走
不知何地着儒生

鄒鐵還翁以哭子

傳漢

義甯殉難詩屬和得長律

一章

蕭蕭衰鬢影婆娑記送從戎勉荷戈便許孤忠酬

北闕可堪垂老痛西河客設謝墅功名薄師乞秦廷涕

淚多

以援兵不至故有是難

惆悵二陵收不得雨風殘骨自消磨

贈張石朋參軍

德堅

卽題其酬筆圖照

圖作拜筆狀

感君揮灑出風塵四十頭顧萬里身豪傑學書還學劍

艱難磨墨似磨人功推管子爲前輩用到毛生卽上賓
天與如椽稱鉅手豈應無補費精神

錯節盤根閱歷深商量聲價重沉吟籌國事陳三策
卽寫家書抵萬金身後光芒誰不朽眼前燕沒尙如林
功成司馬說何易莫負千秋一片心

此君便合號神君香火因緣楮墨痕一笑讀書爲短簿
百年尸祝是長恩銳知古弼頭能出禿比張儀舌尙存
看取絳衣簪縹拜殷勤甯獨爲經尊

今日披圖喜更悲安危大局費支持賞心文字

朝廷重入手聲名盜賊知參軍著賊情彙纂一書爲百

劫未焚懷硯固參軍有懷硯詩極道一錢難潤詔書遲

參軍以軍功保推知縣因願君倚馬馳芳譽我已蹉跎

兩鬢絲

贈李立之學博文鶴

相逢歧路便相思濁世驚看磊落姿幕府况依嚴僕射
書生難得傳脩期篝燈影畔論心酒鼙鼓聲中破膽詩
回望鱣堂應一笑先生從此有升時

艱難轉復爲君嗟厯盡山巔與水涯慷慨許人猶有母

飄零爲客已無家荆榛未闢須才力花柳方春愛歲華

今日楚材天下重不知何策獻長沙

李籍湖南時曾節帥幕府及將弁兵

勇多湖南人

審疾圖爲石朋參軍題

圖繪參軍坐堂上二監下跪作聽審狀

我思治病如治賊熟籌形勝須全力膏肓既是險隘區
奈何惡據攻不得我思用藥如用兵置之死地而後生
無術求生但決死委藥不至豈曰能古來良醫比良相
今日良醫比良將扶危拯困固有人滿目瘡痍轉惆悵
君也從軍攜此圖圖中審疾如獻俘渠魁一盡小醜散

彼二豎者胡爲乎愧我於醫全夢夢紙上設兵亦何用
但留救世一片心知君所存活甚眾

弔羅羅山方伯

澤南

賊據武昌公
督勦陣歿

天意冥冥不可窺似公猶死更憑誰力窮百戰如孤注
心苦三軍所共知無命有才酬鼎俎東征西怨望旌旗
湖北奏留江西奏調
競望羅至官民同聲將臺星落風雲慘忍聽元戎哭誓
師

半生鄉里戶長孺學究偏傳蓋世名郭有道碑誰不愧
楊無敵幟此堪爭君親便報終遺憾婦孺猶哀況老成

一歲一悲豪傑士人才雖眾亦心驚

去歲哭塔公今年哭羅公皆一時名

將節帥曾公所賞拔也

問耕圖爲盧筠生孝廉

寶森題

道逢卽鄆問盧生黃梁未熟胡不耕功名富貴况逐逐
卽寬一飽悶何能幾人買田入山住幾人賣田出山去
榮枯得失知爲誰欲問蒼茫轉無語六國印何如二頃
田走四方何如受一廛學耕勿問能耕否歸耕總要功
成後放牛歸馬好着鞭春袍如草正少年卽今戰城南
走郭北禾黍不穫嗟何食

用樂府句

願君一出援饑溺鋤稂

去莠培嘉植力能濟世是英雄莫但輟耕長太息

贈陳秋門給諫

光亨

時在會節
帥幕中

張綱何故便埋輪豈角雞香寵正新功在

朝廷無闕事榮傳鄉里有歸人時危慷慨酬知己家祭

昇平告老親卻憶陳情曾幾日征衣重著轉逡巡

告養
在籍

時丁
外艱

出處雖殊念則同江湖

魏闕勉從戎閉門不易方逢劫入座先驚早識公何術
安危操勝算此心生死策羣雄五更燈火三春酒想見

功成坐論中

贈羅硯生拔萃

汝懷

時在曾節帥幕中

掀髯長嘯便長征想見當年伏處情乍喜扶輪徵魯叟

早傳結襪事王生

曾節帥與拔萃爲同里舊識而延聘入幕乃以束帛加璧蒲輪大典平日

敬禮於此可知

從來名下無虛士此老胸中有甲兵地不如人

君念否巍然漢水與方城

時武昌尚未收復

蒿目時艱感慨多沉機深畧待如何老成別具憂時策

少壯曾登拔萃科局外心胸羅斗宿陣前指掌畫山河

羽書義獻仍家法鐵筆曾誰敢補戈

令嗣伯宜茂才書法特佳時同在幕

中

贈郭筠仙太史

嵩燕

時在會節
帥幕中

半壁山河百戰塵
翩翩來往羨君身
短衣匹馬爲名士
長揖將軍是故人
髀肉儘消供鞅掌
膽肝全露見輪囷
文章報國設何易
願作詞臣社稷臣

射策明光手奪魁
昆池戰鼓液池催
讀書憂樂須關世
破格

朝廷善用才

太史由庶常以軍功保舉授編修

枳棘未平鸞鳳起
稻粱

雖熟雁鴻哀

連年豐稔而民苦流離

諸公衮衮登臺省
誰向新亭

子良詩存

卷十

七

灑淚來

贈何鏡芝虞部

源

何楚人時在
曾節帥幕中

拔幟詞壇早立功

選拔

翩翩投筆復從戎
譽隆水部吟詩

後名在山公啟事中

何之名山
公之字也

際遇有期須及壯文章

無用敢稱雄羽書想見揮毫健
曾上蘭臺賦大風

才可安危仗出羣
卽今戎馬正紛紛
吳頭楚尾其餘幾

時江右已
失八府矣

武庫詞宗重望君
若論功名期不朽
卻設時

事動如焚官閒終美神
京樂畫省香爐日夜薰

贈方子白廣文

翊元

方楚人時在
曾節帥幕中

身短才長似晏嬰相尋未面已心傾逢時揖讓雖三拜
爲世牢騷輒一鳴魯國詩書培士氣楚人簫管變軍聲
側聞離亂還鄉日慷慨能爲猛虎行

縱橫筆陣掃欃槍曾讀陰符坐講堂夫子絃歌焉用武
諸生綿蕞盡爲郎忍教故土供蠶食願附名山勒馬當
時駐兵一策萬言傳萬口功成珍重爲君藏

委署九江郡守兼署郡丞

郡爲賊踞久矣無人敢往予獨任之而上憲溫

諭仍留

省差遣

投閒拚已矣忽復扣門驚循例竟作郡當官方避兵青

衫猶舊淚皂蓋亦新榮重感上官意艱危戒緩行

送蔣矩亭大令之任興安

潦倒名場况戰塵喜君重現宰官身萬家望爾如生佛

八口嗟予亦部民

時予全家寄寓信州

未了憂疑纔亂定各因垂

老倍情親此邦莫怨來何暮待理瘡痍要福人

矩亭所到皆免

兵火

回首論交二十年升沉幾輩念淒然虛名誰復留身後

快意真須到眼前賓客歡娛官亦得閭閻培養士爲先

因君轉募程夫子不負行藏是大賢

鉛山程臥梅大令時方引退

答張紫聯大令

培仁

卽步見贈原韻

張籍西蜀作宰閬中以改

省赴湖南相識於章門軍營舟次

燈光劍影戈船夜邂逅設兵遇東之離亂一官輕去就

艱難四海繫安危桑麻已負鄰霄酒閩中有鄰霄臺明蕭震詩但願桑麻

歸樂土不妨蘭芷方廣入郢詩塵裏英雄誰識得功成詩湖上鄰霄

重認紫芝眉

題郭筠仙太史詩集卽送還楚

朝廷方用兵耻戴儒冠醜一入承明廬投筆去恐後此意已不凡文章見抱負詞壇仗大敵旗鼓振誰某眾人

蛙黾喧太史牛馬走卓哉刻意詩窮闢空所有不海恐
汚潢不舉恐培塿因思天下事半悞凡庸手制勝要出
奇着筆安得荷卽今王謝樣幕府人才蔽君才殊未盡
飄然行掉首想君宏偉氣雲夢吞八九此行非還鄉吳
楚覽左右吟嘯定江湖功在萬人口送君誦君詩慷慨
作龍吼

王海門軍功

師凱

屬題其內人返魂圖遺照

瑤臺縹緲路難攀安得爐煙化九還一縷香魂消不得
博山今是望夫山

封侯雖好惜離鄉
少婦從軍氣不揚
終恐英雄爲情死
殷勤留付女兒香

貢院旣爲火藥局堂前老桂凋落不堪予與弓葆
薌刺史屢充分校今刺史復奉役駐局製火藥
花時重憶間訊寄詩

無計還山避斧斤
漫隨塵劫墮紛紛
便成靈藥嫦娥悔
曾否樨香處士聞
亂舍巖阿甯得地
老設風月幸逢君
秋堂忽憶攀枝客
榮落回頭散似雲

蛾兒行

有序

炎炎者滅隆隆者絕揚子有言豈不悲哉爲國
家蹈湯赴火與日月爭光雖死不死也外榮內
耻朝生夕死彼昏不知一燈蛾耳蛾之情態形
狀不必言亦不忍言也而終不能已於言則作

蛾兒行

燈花開蛾兒來燈花灰蛾兒回來來回回計都左幾見
蛾兒免於火南離朱雀飛上天真光不肯落眼前燭龍
噴地大雷殷魑魅魍魎不敢近嗚呼蛾兒托體一么麼
胡爲有耀偏自他適從何來遽集此焦頭爛額不知止

惟象有齒以焚身蛾兒雖焚何足珍惟魚出膏以自煮
蛾因人熱亦一炬蛾兒蛾兒爾勿飛向直臣焚草堂正
氣所觸昏穢亡蛾兒蛾兒爾勿飛向將軍張宴幕神威
所指妖魔落蛾兒蛾兒亦勿飛向腐儒讀書帷伊唔到
老無光輝蛾兒蛾兒亦勿飛向怨婦鳴機壁饑寒夜夜
愁孤寂趨炎附熱死不休爾蛾只合朱門遊朱門弄燈
洵可樂轉眼燈檠棄牆角蛾兒癡迷全不覺將蛾比蠅
似稍賢蛾但逐熱不腥羶將蛾比螢應自失螢能明不
欺暗室老夫頭腦日冬烘身經百鍊勞無功見蛾如此

熱念空將燈移置盆水中欲蛾照影知吉凶蛾已黷投
安能從水深火烈禍則同蛾兒蛾兒可憐蟲

兼署饒州郡守

予既奉是檄遂辭九江專任饒郡事

遊宦能無故舊情乍傳檄到卻心驚番君死後無豪傑

范老胸中有甲兵

饒爲范文正公舊治

人事十年應一變

予宰浮梁距

今十易寒暑矣

天憐萬命待重生祥雲瑞草依然在

謂芝山

佳氣

緣何不入城

送傅海帆少尉

益瀚

將赴廣信應林觀察軍中之

名

傅爲觀察門下士

久聞磨礪出英雄
歷盡艱難合有功
況爾家聲原介子
卽今年紀正終童
愁拚借酒過千日
滯苦行船避八風
憂患回頭空十載
了無建樹各飄蓬

癸丑同奉
守城之役

桃李公門許附攀
徵書纔至頓開顏
一時價重遊金埠
三獻情深到玉山

黃金埠玉
山皆地名

胸有韜鈴須善用
肘無斗

印肯空還此行別
具孫陽感不在尋
常策馭間

送饒防營務處程尙齋刺史

桓生

奉調旋役楚北

從來送別易傷神
共患同憂意倍親
五夜酒燈營務處
十年書劍宦遊人
胸中有竹宜籌世
眼底無花已負春

詎似將門程不識行軍隨地見經綸

記拔其尤早受知况羅幕下望常旂停舟又作江頭別
捧檄纔從嶺外歸得失何憑青眼在去留難定素心違

君親未報師情奪感到彭宣淚暗揮

刺史爲今節帥曾公門下士以選拔

授知縣出宰西粵既被吏議旋登薦書後入節帥幕中委辦饒防營務處至是復調還楚北刺史述曾公丁憂請假疏有句云在國爲一毫無補之人在家爲百身莫贖之子聞之愴然故詩中云爾

統領饒防陸軍點勇之夕夢中得句云百鍊功名

才力薄卅年身世水雲輕自亦不悟何旨也感

成長律四章

久叅時變賊情知大抵黃中與赤眉花面丫頭兒戲陣
賊管多蓄俊童謂之孩兒兵又謂之小把戲蒼髯老子丈人師虎頭燕頤衰
何用狐火魚書憤不疑鼓自堂堂旗正正陳平奇計欲
誰欺

抱膝長吟詎等閒鄴侯插架負名山半生齷齪丹黃裏
一局縱橫黑白間詩酒逸情消浩劫簿書餘墨草平蠻
允文業豈寒儒了所羨功成鬢未斑

猶許圖功不算冤升沉閱盡此身存拚消髀肉供閑職
留得心肝奉

至尊運到有才須柱石陸沉何地合田園封侯漢代多
賢守莫便輕乘五馬軒

似迷如悟卻分明夢裏題詩記得清百鍊功名才力薄
卅年身世水雲輕老思重任真殊遇危望生還亦至情
爲語番君吾憊甚英雄敢與古人爭

贈黃韶九大令

振成

時方管帶協和營與予同事

饒防

骨山狼藉血湖腥慷慨從戎勉此行豈合忘家設粟社

黃與予同鄉連日
共話故山烽火

已慚守土賦蕪城

饒郡屢擾
幾無城垣

雲龍干

載英雄會風鶴三秋逆旅聲勿問升沉音老矣垂簾多

事笑君平

四十里街大捷

去郡城四十里爲四十里街賊築七營久踞是地輜重山積我軍滅

以一炬

憤念居民慘不禁近城煙戶結灾祲萬金劫重經三載
一笑功成當七擒逼處實深難歇手倒懸雖解已傷心
阿奴下策休輕視燭火猶能滅鄧林

聞徐步橋失利

飛羽驚傳興頓摧營官失意帶兵回憂危未了關時會

挫折經多鍊將才此事滿盤差一着幾人捲土得重來

卻思衰至驕纔動

衰至便驕語見世說

莫聽饒歌漫舉杯

謂四十里街之

捷

出兵

小隊輕裝結束新出郊兵氣豔如雲黃茆白葦城鄉路
畫角清笳水陸軍雖勇廉頗無奈老何功陶侃只能勤
從戎自是男兒事卻念凶危更勉君

督兵西北鄉舟過珠湖秋感

愈飛揚處愈幽愁頓覺軍中別有秋風偃亂蓬疑轉隊

達轉隊
見北史

霜雕殘葉戲封侯豈應虛燧供人笑未免狂瀾

爲世憂便欲乘查向西北英雄八月例斯遊

兵進童子渡

此地賊踞兵
爭屢得屢失

剩水殘山百戰經怒潮號作不平鳴何人更唱阿童曲
此地結成豎子名安用江東羞父老徒聞郭外逐公卿
舊時虎帳豺狼穴一樣模糊認未明

斬長髮者

民畏賊蓄髮遇官兵
又輒以長髮被殺

已蹈危機不易逃卽今趨避券誰操莫將生殺愚黔首
須念飛鳴愛羽毛法律未宜輕解網英雄畢竟善藏刀

轉思男子鬚眉重康樂臨刑故自豪

鄉兵

牧豎解騎馬樵夫思荷戈男停耒耜婦罷梭爲兵綴甲
炊爐鍋方巾幅袍老學究囁嚅設兵謁太守惟有商賈
不敢前恐官索助軍需錢鄉兵烏合誠難用蟻聚蜂屯
只一開卻思眾志可成城或者仇深易激動征途颯颯
鳴秋風蒼頭奮擊士馬雄太守國事如家事忍驅子弟
歌從戎天意偷閑客老叟願解軍符入巖薮嗚呼巢由
洗耳何處走世間無地無刁斗

軍中書感

十年國事半干戈，救世無才喚奈何。
新鬼煩冤故鬼哭，南人只覺北人多。
古來富庶推吳越，今日英雄仗牧頗。
回首嶺梅三百樹，可堪戎馬日消磨。

催科撫字太多，垂老支持一郡中。生死坐看黔首輩，

民難髮則死於賊，
黠吏則死於官。

循良慚說白鬚公，出頭已見階前笋。

焦尾偏成鑿下桐，幸未甚衰猶帶甲。

用放翁詩注
馬正惠公語

念關

民命敢言功。

貔貅隊裏擁熊軒，何力雄勝重任肩。
半壁東南猶有待，

一鄉西北已無權

饒郡西北鄉賊踞至久時方力勦

登壇使用穰苴法

煮海誰陳管子篇

兵久餉乏言利者遂多

太息吳州好風景自經

離亂不如前

諸艱歷試首頻低遭遇難逢覺路迷伯樂在前終有馬
劉琨死後可無雞事機成敗誰能料時命窮通況不齊
畢竟到頭終任運勞歸東去燕歸西

夜談

寒蟬已分不能鳴偏是秋蟲夜有聲吾舌猶存非得已
半談人物半談兵

破壁山 壁山地名

老子移山動將軍破壁飛煙消狼隊散月滿兔兒肥
時方中秋壯志幸未墜嚴期安可違眾軍歌不解聊當唱弓衣

軍旋

西風吹散鼠狐悲又向郊原獵一圍談笑卻秦知敵退
艱難喻蜀要民歸稻粱有主思鴻穩苜蓿無功愧馬肥
道是凱旋方警報敢耽安逸脫征衣

軍中爲人題畫花帳簷

寶帳眉低纈眼醺金迷紙醉不勝春花開花落尋常事
付與華胥夢裏人

戰到東風廿四番吳州花鳥半凋殘阿儂手定陳芳國
收取降王是牡丹

丁巳中秋

况復憂危過此辰悲秋心事勝傷春
三千里外飄蓬客

四十年前折桂人

計己卯秋薦至今三十八年矣

坐對河山名士淚

持風月長官身庾樓斯夕傳今古惆悵歌塵屬戰塵

時九

江尚求
收復

痛剝風岡賊巢

地非隘要以收偽關稅糧足賊多巢穴遂固

坐使強徒盡富兒鐵山金穴敢誰窺
斬蛟周處雄猶在

千總周維祺功也

得虎班超險可知豈有仇讎甘養敵
從來大

盜善居奇轉悲兵久窮無策日乞貲
郎當乞師

籌餉計盡惟有

捐勸

聞濤

淚盡鍾儀思不勝廿年飄泊感濤聲
土音輸爾潮音健

走遍江湖一樣鳴

見老兵老妓話舊戲作同黃韶九

十年遊俠豈知憂今日相逢各白頭我未成名君未嫁
他生莫卜此生休暗更哀樂聞歌管重叙寒溫脫戰裘
名將美人誰見老繁華一夢況青樓

督兵回郡過風雨山

蕭蕭雙鬢壓征塵戈馬叢中仕宦身一別十年經百劫
名山風雨更無人

示諸將佐

僥倖成名不是名男兒事業要人驚若教一例封侯死
誰弔英雄李北平

招黃韶九小醉遂登望連臺

行館後築臺曰望連
取許丁卯秦兵纔散

魯連歸
詩意也

洗清風雨好時光誰道名山是戰場

臺對風雨山

久厭馬蹄

開別館爲餐鱸膾約同鄉弓刀氣肅逢秋令鼓角聲殘
送夕陽輸與魯連輕去就了無勲業滯歸裝

爲守城粵刀錫嘉名曰吉祥

輕摧漫挫手空操爾善藏鋒故自豪身入危場安穩過
無功纔是吉祥刀

陣前放歌

浮生所欠惟一死日日陣前當礮子當者不誅避者誅
礮能奮激起懦夫仰面看天火箭落欲落不落掛牆角
火彈如星噴筒如虹陣火光中見元戎乃是白頭一老
翁老翁從來不知耻廉頗一飯三遺矢矛頭漸米胡爲
哉馬革裹尸等閒耳左手握軍符右手執兵書咄哉盜
賊笑我愚臨陣讀書真腐儒絳灌不文機雲不武幾見
儒臣起行伍壯者秦晉師幼者幽并兒老翁一聲羣馬
飛腰滿人頭聯轡歸匈奴殺戮爲耕作何哉此俗傳中
國生剝強徒恣大嚼老鴉低飛不敢啄健兒擲骨戲城

郭老翁陣前眼灼灼

喜火藥至

隱隱一船來兵氣烈欲赤霹靂已在手欲發不遽發惜
火如惜金鍊藥如鍊石若但恃火攻阿奴乃下策軍儲
恒有無兵法妙緩急挾纊可當衣量沙可當食嗟哉萬
人仗一敗棄可惜

克復景德鎮

先是婺源樂平浮梁三縣受鎮賊害

深各集鄉團會勦半月環攻以賊眾
不敢入鎮予方統領饒防大兵水陸並進三縣
鄉民羣請官兵爲之倡率而各團助威遂爾克
復

怒握牛角嶺笑割鵝頸灘

牛角嶺鵝頸灘皆附鎮地名

咄哉獵一圍

雨血風毛翻將軍惜寶刀不肯斬懦孱遂使狐兔羣占

穴稱強蠻殺掠到衰幼民命誠草菅豈不憤同仇烏合

戰則難將軍熟視來撥霧窺一斑旋復據鳳岡

亦入鎮地名

棲息疑閉關世人安得知青鳥信已還一聲霹靂弓長

林豐草刪眾民賀將軍不識將軍顏但聞三軍聲慷慨

歌刀環

景德鎮師旋感浮梁士民製旗獻頌述愧

愧聞吉語頌危顛竹馬喧喧集陣前一路福星見雲日

重來膏雨淨烽煙

旗上吉語曰福星一路曰膏雨重來適李黼堂觀察來諭有斯民久困雲

日重詹之語

轉因民困悲元結安得師旋學魯連劫運未除

誰懺悔空傳堯率是生天

予方製淨水孟爲銘識懺

督師景德鎮屬江東處士陳國治爲予製粉定瓷

淨水孟因自銘識懺

水不淨曰淨心不淨曰競淨可淨也競不可淨也必淨
不淨淨之以靜茫茫六合一孟水影

各營弁競陳戰功作此示之

爭誇附鳳與攀龍願爾豪情掃賊鋒事在名場誰肯讓

慘思京觀不宜封實緣紙尾非千古取辦刀頭亦一雄
汗馬雖勞君自愛

聖朝終不靳酬庸

統領一枝筆勝錦字營一千二百把刀

有序

予初任饒軍統領有管帶錦字營某姓者跋扈
不馴幾於拔刀相向予笑置之眾以爲弱旣而
省檄至則某已奉調叅辦未幾錦營弁勇亦以
赴他防聞警潰散獲罪方某之去饒也知予聲
其罪於上官故有是調臨行怏怏曰統領淨閑

我等豈必定食饒州飯哉至是饒防各營譁然
相謂曰統領一枝筆勝錦字營一千二百把刀
蓋錦字營一千二百人也賦此誌用兵之難

詞壇大敵屈能伸一掃千叢白刃羣誰道江郎才遠盡
筆花飛壓錦衣軍

大計卓異

已拚閒散負居諸多事登場有毀譽難得兩重稱上考

予以浮梁令卓異陞吳城鎮同知距今又十年矣

可憐廿四比中書老來仕宦

原身外亂定妻孥亦劫餘

今眷眷口由閩歸粵遇賊鋤山幾於不免內子面受砲傷

慙愧干城無一策聽論武備轉心虛

考語有究心武備四字

見軍中紅衣少年

爲爾深閨想玉容年年織錦怨秋風無端吹落霜林葉
恰似將軍半臂紅

夜吟

風中笳鼓水中燈漏盡元戎報句成四十賢人大手筆
六千君子小心兵饒防恰六千人萊公不學宜無術杜牧能談
亦盛名此筆旣投終奮起未應齷齪作書生

搜山行

高天厚地何處走豺狼當道麋鹿沒入山惟恐山不深
深山乃作逋逃藪將軍功高百戰休大敵不畏小敵愁
殘妖剩孽索巖穴似華不注窮三周叢叢險磴已坎圻
草木橫生種奇禍罪深玉石宜並焚請於陸渾搜以火
寶礦無光掩泥滓納垢藏汚勢不止安得壯士挽長河
請於天吳搜以水四時瘴癘氣鬱蒸搜以日月兼風霆
百族長蛇雜封豕搜以網羅及弓矢搜山殺賊安民居
民亦爲賊魚目珠搜山捕賊借兵力兵亦爲賊虎生翼
搜山搜賊賊愈多山頭立馬喚奈何賊盡民安起訟獄

搜山歸去搜塵牘拔山有力何所施移山有願終能爲
身入寶山卽空返姓名已勒摩崖碑將軍功可滿天地
一邱一壑偏難事何時風雨坐名山搜索枯腸賦奇字
令郡肅清慰勞諸將佐因以自勉

休誇四境一時清道是功成恐未成百計鴟張猶盜賊
幾人獠舞遂公卿干戈有燬機常伏刃斗無聲令自行
轉爲空虛防敵喜稟呼庚癸戶抽丁

時籌辦鄉團
議派丁費

子良詩存卷十五

番禺馮詢

古塔

在饒州府

灑灑堯舜灰刺刺周秦礫古塔剝愈起雲氣不敢逼烽
火爲陶鎔土木作金碧斜落插一枝誤認華表石腐儒
拾徑寸重之等珍璧購入貴人家耳目供玩飾一朝劫
又至萬寶同棄擲吁嗟乎古塔於世誠何益不救斯民
命徒助腐儒癖貴人亦已矣腐儒安足惜轉爲斯民歎
生死塔之側問塔何由成貼女鬻兒力

戊午元旦

漫天毒霧閭征塵鐘鼓新晴忽報春造物好生催拆甲

及時行樂借良辰

用宋人預借元宵語

論年已辦過頭杖賀歲翻

思側注巾簫管追隨前日事亂離誰是社中人

鄱陽殘帖更無餘人物凋零地亦墟棠舍十年成古道

蕪城一賦盡荒廬新班屢換尋宮錄舊事重談寄客書

獨有良朋祠墓感土花沉碧恨何如

謂沈槐卿司馬

壯達身肯逐蒿萊卻惜韶華念早灰臣本布衣宜畎畝

官雖鼎鼎不樓臺頭聊復簪花勝藍尾何堪殿酒杯

偏喜駐軍童子渡青紅如舊眼前來

童子渡鄱陽西北鄉地名

花風廿四自更番天運從來若轉環老雨荒苔猶舊澤

祥雲瑞草况名山

謂饒州芝山

三春作客身如燕千里從公

語帶蠻又是草堂人日過寄詩何路夢開關

軍中與莫堯莫話舊有贈

戰鼓正沉沉相逢傾素襟亂離妻妾夢契濶友朋心老

馬迷歧路饑禽戀故林又傳邊燬起不敢問鄉音

明知難奏績且復勉茲行

謂風岡之役

白梃驅兒女

鄉紳辦團無術

抽丁歛費老弱偕行民苦於兵復苦於團良可歎也

紅旗屬客兵

楚軍援江

官卑

無事業親在要功名枉費射生手吾悲李北平

饒郡肅清卸任還省

畢竟生還勝死還還時差幸境全安荆榛闢盡來人易
蕙苴譏多作將難何必有功論魏尙轉慚無德頌倪寬
合郡肅清士民旗傘爲頌崎嶇忽憶前時路六十衰翁八百盤

贈莊木生居士 有序

木生新昌人以書隱於市搜殘補缺多人間未
見書纂唐宋以來所著之有關於兵農及醫藥
等得十種爲木生叢書曾滌生侍郎已序而行

之矣名公鉅卿到江必訪訪必贈詩予亦贈以

二律

怪甚門前長者車朝朝塵裏訪閒廬我疑老子韓同傳
君是莊生郭注書一代士風留澤在十年兵火惜焚餘
補偏救弊吾儒事莫負遺編願勉諸

籠紗覆甕總雲煙聲價低昂亦偶然無力耕田聊識字
有誰入市不言錢一枝可借巢爲隱三食何功飽卽仙
到底名心拋未得書成先動貴人傳

劉仲實太守

清華

屬題琴鶴圖照

世事紛紛策治安公餘琴鶴暫盤桓使君要爲蒼生出
此畫功成後再看

題二喬觀兵書圖

當年瑜亮破曹師借得東風保豔姬兒女頓關三國局
英雄長泣二如祠喬家姊妹花何盛吳地君臣藥不支
轉爲談兵嗟薄命孤幃重憶戰歸時

二喬以色傳實以孫郎周郎傳也其觀兵書想當
然耳前章意有未盡再題一首

孫郎死後周郎死嗚呼兵書屬女子美人名將古如此

雙雙白頭曾見幾二喬何必知兵書嫁得英雄聊自娛
何不並繪策與瑜紅袖添香讀陰符

戴仲和上舍屬題明月圖照

仲和大庾相國孫也
圖作圖幅李老寶題

日明月前身圖
景寫蘭桂兩種

相公池館自天開坐久天香冉冉來聞道月宮無限地
不妨蘭桂一齊栽

忠義錄題詞余魏人孝廉

瑣屬

食毛踐土况簪纓處處勤王有義兵難得忠宣家世在
福童德子盡知名

似君纔算孝廉科子弟傳經記不訛想見羣兒嬉戲日

半陳俎豆半干戈

全家殉難奉旨入祀昭忠祠

贈范修伯別駕

壽椿

戎馬正紛紜誰能穩置身官充千戶長

時別駕奉委保甲局稽查戶口

祿養九旬親亂後蕭條客忙中淡蕩人百花洲爛熳別

有一家春

學道知君久經營遂此時閱殘芻狗幻養到木雞癡欲
寡何愁累功成不厭遲回頭看同輩一一鬢如絲

贈恒鶴鳴別駕

恒斌

三輔推豪傑胡爲因此間一官緣母重百劫羨君閒仕
宦腸應熱年華鬢未斑翩翩雲鶴似飛去復飛還

得地雖雄鎮

時官樟樹鎮

無權不自由世情嘲送郡仕路厭

監州松柏出逾直萍蓬沉亦浮題輿名譽在好好爲君
收

澹臺滅明墓

聖門豈有滅明科埋沒英雄奈爾何似此清才猶貌失
世人一目已嫌多

徐孺子墓

何處南州舊隱廬冥冥煙樹弔啼鳥高人生死防塵染
一角孤墳四面湖

溫嶠墓

英雄一例付荒墩成敗聊爲事後論當日江州無義諫
安知陶侃不王敦

婁妃墓

理學風流屬戰勲削平茅土植香墳宸濠不掩婁妃德
亦是良知一念分

題宗貞女傳後

有序

貞女宗姓如皋人許同里嚴氏未婚嚴亡父母
欲奪女志改適女吞金求死父母急救得活遂
如女志歸嚴氏守貞如皋縣尹採入縣志弓篠
鄉刺史作宗貞女傳

已合何能使復分英雄一諾遂終身青山白骨黃金價
莫誤遺軀漫許人

况多才女嫁庸夫奪志無緣志亦孤長笑桃源諸女伴
爲郎憔悴到桑榆

用李清照事

予旣卸饒州郡篆尙有應辦文件向高石卿太守

夢麟借用南昌司馬印戲謝三截句時太守以
南昌司馬攝南昌縣事也

纔卸銅符事事差冷官如丐色無華商量托鉢南昌去
此是西江第一家

半刺何官亦一麾閒曹吾已素心違十年塵匣無人借
借卽荊州願勿歸

慚愧空函屬不才幸分鴻寶笑顏開此行便合誇同輩
曾沐高官一諾來

爲次兒王豐完娶賦示

飄飄風雨感棲鴉

是日大風雨

努力成巢待晚霞六禮未完

粗作婦四方多難苦爲家詩書有託才非易少壯無功
歲不華老我彈冠歸未得殷勤猶爲汝三加

喜三壻邱小菀國學

爾樸

來江有贈

落拓驚看慘更歡似君才調困鄉園俗人憂患無親戚
廉吏清貧有子孫安穩布帆千里到亂離書籍幾家存
平生不負張堪諾况倚葭莩念舊恩

莫爲窮愁賦命騷扶輪大雅屬吾曹到頭事業誰能料
出手文章怕太高五色生花歸彩筆十年如草感青袍

知君家有邱遲錦卻是裁成要剪刀

示三女

生女聰明似更賢
鍼神拜罷拜詩仙
閒曹差喜貧無累
屢爲求書費俸錢

賴汝知機釋我憂
記曾于役葦家游
烽煙滿地孤城泊

五夜寒燈萬里舟

咸豐癸丑春二月予以天津刺船差旋舟次揚州適賊陷金陵觸處逃亡

予擬擇地攜眷暫避而三女力勸速發竟得安穩同江舟中離亂情形慘然在目

汝能佐讀塤登科卻念榮歸奈別何

塤贅章門旅館

百計安排

翻一悟聰明從古得愁多

眼前兒女笑言歡忽憶崎嶇路百盤

鉛山歸途遇賊歷全家幾於不免

盡艱危吾不悔亂時難得是團樂

嘲熱客

程曉嘲熱客恐程亦熱才豈有避熱門而肯爲熱開門
庭無雜賓何處招炎埃梁不因熱去徐乃帶熱來是與
熱爲徒見熱何足哈客熱日一至主熱日百回苦爭不
熱名不熱卽熱媒不見高士宅門外車如雷

賣扇兒

六月賣葵扇如良相良醫奈何救時功乃付鄉里兒爲

是求者多賣扇兒居奇大柄在兒手叱咤兒能爲倏爾
柄授人兒亦暑怨咨不如扇在山大葉搖高枝清風徐
徐來無價任取之我曾不解囊亦復不解衣箕踞樹下
坐坐看扇兒疲

題張子光蘭菊竹畫冊

走馬馱金劖草忙歸來依舊夢清涼願推玉茗堂中例

三友添君作四香

子光挾此冊遊於公卿大夫之門故詩以勉之

爲子光題紀夢軒

邱錦江花盡奪回才人雖夢亦心灰須知世上豪華客

都自逢屍遇穢來

穢屍得百夢穢
得財語本世說

七夕感懷

偏於今夕倍傷神處處秋風處處身天上星辰家國事
軍興以來
異星屢見眼前婚嫁亂離人安知此恨非由巧不得成
仙亦有因轉徙十年吾憊甚可能乞雨洗車塵

贈顏小汾太守

其弟

顏侯愛詩索到我我坐詩筵白坎壈平生抑塞向誰吐
借君作題君曰可讀書談笑皆經綸顏侯蟠胸有古人
飲酒坐觀皆塊壘顏侯放腹無餘子處不爲廡下居出

不爲府中趨顏侯自來昂藏軀安能與齷齪偃僂者爲
徒一經皓首腐儒賤君家

賜書尊萬卷五斗折腰俗吏窮君家鼎食榮萬鍾名場
掉首恣游衍風波不到王謝掾亦復有口不言錢官貧
安肯受人憐嗚呼君才落落誠如此茫茫世路誰知己
知君乃有

聖天子昨聞

召對天顏喜爾爲世臣今用爾將軍盪寇天戈指爾爲
從事毋委委東門祖道歌從軍出都萬日羣屬君吁嗟

才大難爲用一麾乍出還
逡巡英雄安可論得失奔走
塵勞自風骨朱幡皂蓋不爲榮榮在

綸音問前席我有一杯酒爲君宜鬱蟠我有一把劍爲
君掃煩冤狂歌不嫌吾舌存恐君掩耳要避喧欲語不
語疑難言君才何可以斗論恨我不識顏平原

中元放歌追悼饒州陣亡諸將佐

重經疊卷年年開乾啼濕哭處處來生人不懺懺死鬼
死鬼轉爲生人哀人生百歲我已過六十閱世旣久乃
知紅榮黑辱盡與黃土同一堆生者非生死非死奈何

死者極樂而令生者弔古長噫唉憶昔吳州正多事登
壇命將羅羣材書生捧檄作郡帥號令叱咤如風雷誓
將黃龍直抵痛與諸君飲果也一載七屬清塵埃生將
策勲死叙節意謂生死並登竹帛毋令鬱鬱埋蒿萊
惜哉薦書未上謗書起諸君爲我功全墮頗聞公道在
人心大官秉筆仍敲推如君未合等烏有或者風雲氣
吐衝陰霾轉念羊頭狗尾亦倖起豪傑肯爲猥庸陪況
乎刻印刊不刊功名之際多疑猜介推卽祿骨已化李
廣不封神早摧安知有福非嗣祖終勝不昌如彥回羨

君生天已兜率苦我歷劫猶輪迴雄魂毅魄不可以禮
懺要懺便懺塵中碌碌十九凡庸才白簡拼予置沉屈
青詞爲爾超冥災卽今論功尙在悠悠口君已蓋棺吾
銜枚不見息壤之盟不負亦偶耳馬援一譖至死不得
登雲臺

章滁山秀才綬屬題二圖

秋林感舊

秋林一片葉千種萬種聲秋士一片心千種萬種情樹
久無舊枝人久無舊朋中年哀樂多感此輒心驚誰唱

落葉曲有耳不敢聽人生客異鄉何殊樹寄生擇地有
高下依人無枯榮肝胆自輪囷百折不得傾敝廬老空
山誰結歲寒盟

寒夜授經

章子老諸生一寒乃至此奈何復授經教子作寒士燈
焰綠如豆雪片白於紙縮縮看垂髫牙牙聽穉齒悽悽
如寒虫兩世一室裏舉世薄老儒阿翁則已矣教兒要
兒知成名多豎子不必事丹黃亦可博朱紫感慨爲此
圖聊誌傳家耳

讀何廉仿太守杖詩文暨樂府諸稿題贈四律

感君遭際重欷歔終羨君才錦不如兒女英雄溫嶠鏡

太守與淑配孝烈夫人爲中表親文章經濟鄴侯書記陪西笑團樂早

曾官部曹聞操南音涕淚餘廿一史從何說起虞卿憂憤借

毫攄

一枝鐵筆韻鏗鏘論史評詩各擅長輕薄肯爲驚蛺蝶

聰明拼與繡鴛鴦風流太守文章伯年少才人協律郎

懷絕愁城黃竹淚不堪重唱女兒箱太守任建昌至家殉難僅留一弱女

耳

窮途何處弗嶮巇謂卷中尺風波不可行江風集複水重山

猶昨夢哀絛豪竹總秋聲文成倚馬無遲響律在雕龍

有定評

文心雕龍樂府一篇源流至爲詳核

富貴幾人稽古力著書徒問

漢公卿

著漢書樂府

掩卷蒼涼首重搔多情終竟屬吾曹書成有婦東萊博

太守新得寵姬甚稱風雅

貧甚無家北郭騷下界風塵如酒濁中原

旗鼓以詩豪磋磨逾力光逾見爲爾摩挲葛黨刀

謝胡彤階太守

天堀

惠詩兼寄柑子

干戈消息管絃知能到文翁不厭遲百戰山河新保障

廿年風月舊曹司名高客滿開融幕亂定兵閒宴習池
一事風流偏足感故人爲政近傳詩

儲篋封篋思不勝及時懷舊肯寒盟書來以橘爲奴婢
意在分柑卽弟兄久歷風霜驚物候偶談園圃動鄉情
吟喉旣潤塵俱滌味是君家伯虎清

王窗山司馬見惠新刻詩卷賦贈

一卷詩成四十年無端錦瑟倩誰箋冰霜雨雪王郎劍
翡翠珊瑚越客船閱世蒼茫新白髮傳家珍重舊青氊
與君歲晚爲同社惆悵梅開別黯然

名場寥落到詞場淚濕青衫我亦傷誰分衙官卑屈宋
自憐宮體豔齊梁千金買曲蠻歌市萬卷藏書吏隱莊
留得精神磨不滅謝顏身後任低昂

題樹齋少冠遺照應梅軒四公子之屬

蒲亭滕閣記盤桓往事騰騰判寂喧如此江山誰放筆
予曾爲少冠題如此江山圖最難風雨客敲門神仙眷屬三春豔臺

閣文章一代尊獨有南皮無限淚浮沉瓜李幾人存

答陳石逸弟

長吉

喜無風雨亦無塵花竹琴書四座春入市料難尋此屋

作官誰復見斯人便呼魯肅爲兄弟莫問王猷孰主賓
惆悵十年戎馬地重談遊迹半成陳

勞君慰藉爲君歎萬類無如仕宦難論治便防捫朕舌
好名何至食人肝養成龍性疑天忌敝到貂裘覺世寒
一事臨枰癡轉幸了無勝敗作間觀

予不解棋同人雅集作局外漢耳

送蔡少彭太守

應嵩

之任袁州

夢醒諱言睡酒醒諱言醉人情諱睡醉正恐醒不易此
理悟者誰蔡侯庶近是官職世所爭侯也有懼意事業
世所誇侯也有靜氣日者朋簪闔談燕涉游戲毋戰起

喧譁口技至詬誶皇皇我正憂炯炯君乃睨不入憺懂
場安知醒者異今君攝大郡郡屬亂後地待治豈不殷
制治要次第卽看撥亂才紛紛侈精勵吁嗟決裂手乃
以民命試一意事叫囂百出雜利弊願君長惺惺熟視
籌大計存以懼者心行以靜者事元明不飲酒汲黯稱
臥治賤子一隙明爲君進益智

答陳古樵大令

璞

卽送之任安福

離亂爲官處處驚熟籌治忽勉茲行一錢張詠恩威重
五斗陶潛去住輕案上簿書無實迹道旁碑碣有虛名

杜陵苦和春陵什不負瘡痍賴友生

蔡少彭太守袁州書來索詩寄懷二律

風雪漫江又歲闌感時懷舊望袁山故人問訊知情重
太守談詩想政閒農耜未興田潤澤兵車纔過路間關
使君能泊勞偏逸聞道行春載鶴還

名場如霧黯朝昏重話行藏欲斷魂愧我蹉跎猶仕宦

借君成就到兒孫

兒子阿豐從
太守受業

經綸救世今時重縞紵

論交古道存前路茫茫閒不得驛亭垂老更傾尊

時子
將子

南役處

呈江西學使單地山閣學

懋謙

劫火焚書挾書謗五車不敵百人仗斯文未墜振者誰
扶輪踵鈎幸有大宗匠千秋頌羊傳四海拜龐公襄陽
多大儒繼起公特隆主持文教戒瀆武感亂得勿憂填
胸賤子亦讀書局促行作吏蒿目時難鬱不平一麾出
守危城寄衝艱冒險豈不任功成轉使憂患深聞公愛
士手一卷欲進不進還沉吟小言忽爾邀大獎謂勿論
古宜冠今惶然負愧執卷更請益乃知此事有關世道
兼人心

閣學門下士弓篠薌刺史爲予言閣學見拙稿
大贊賞至謂古人不可知近世固鮮出其右者

予即晉謁蒙論以拙作有關世道人心聞命之餘感愧無地 嗚呼詞章豈足語經濟

公以論詩爲論世

朝廷養士二百年文章報國期羣賢時平日久俗漸靡

澆漓之氣蒸鬱爲烽煙功名愈赫道愈闇敦詩說禮今

日誰能言豪傑紛紛相時動惟楚有材天下重九十山

川哲挺生

襄陽九十九岡
荊州九十九洲

八千子弟才能用楚材旣高

公更高鬻熊開國以文豪兩廣不誇霸業霸九歌偏愛

騷人騷卽看吳頭楚尾日叱咤自我公來地稍暇俎豆

可以息干戈安知此邦不亂非賴文翁化三千鵠立勉

羣英吟詩要作金石聲皋夔賡歌亦詞客韓范勲業皆
書生君不見文中子河汾講學重儒理作成人物盡英
雄將相競傳門下起風雲際會古如此而公心似西江
水

詠瓊花

有序

瓊花羣芳譜所不載詩人吟詠卉木徃徃目以
玉樹瓊花大抵形容珍麗無專屬也惟洛陽名
園記遠方卉木如紫蘭茉莉瓊花山茶之儔號
爲難植獨植之洛陽輒與其土產無異是則瓊

花固洛陽產也又獨醒雜志維揚后土廟有花
一株潔白而香號爲瓊花宣和間起花石綱取
至御苑逾年不開乃杖之遣還其地花開如故
則瓊花又揚州產也俗傳煬帝遊江都看瓊花
不見經傳然史載煬帝剪綵爲花纏錦作樹瑩
苑之遊何花不看洛陽維揚皆煬帝遊幸所及
俗傳未盡子虛也近見揚州有墨刻便面畫花
一株題曰瓊花真本跋云瓊花說文天下止一
株元至正間朽以八仙花補之則今所謂瓊花

者皆八仙花耳咸豐己未春仲予於虔州權署
得見此花與墨刻真本無異相傳移自揚州初
開類繡毬既開大花園小花大花淨白單瓣環
若列錢小花綠心黃鬚聚若攢錦小花無數大
花輒八朶所稱八仙花迨以此與或八仙花卽
瓊花與旣屬友人畫之以俟考核更詠瓊花詩
洗盡塵根雪作葩轉綠淡薄見精華陰晴變幻溫涼玉
風日偏反向背花瓊島未應拋海外錦帆何必到天涯
洛陽門第維揚路清白人傳阿素家

肥紅瘦綠總時粧
林下風流另一行
何力能修仙子骨
此身終帶女兒香
寒生翠袖憑誰倚
慧抱靈珠好自藏
絕世英姿寧媚俗
笑鞭花石宋人綱

己未春林桂楣觀察初蒞虔南任署中瓊花大開
時正用兵捷書疊報此花之放謂是休徵予方
從軍在虔觀察命賦詩得四律以應

寶萼誰言世遂稀
使君纔到燦成圍
三春雲仗青羅蓋
一代風流白紵衣
養就清標看玉立
掃除凡豔覺香微
圭璋特達因時出
出卽崢嶸見化機

百樣新翻瑞色敷瑤臺品格獨清腴似嫌脂粉污紅玉
不棄單寒選綠珠廿四畫橋惟月共三千香界此風殊
洛陽富貴花多少皎潔終推第一株

特爲堊崗訪道來仙根移得要人栽蕃釐在樹三春觀

揚州蕃釐觀

鬱勃看花八境臺

鬱孤八境皆贛臺名

寶相裝成隨日向

鉛華洗盡帶霜開金枝玉葉誰能種天子靈山產異材
奇姿開肯逐凡葩况阻兵戎物不華百劫頓消烽火樹
一林重現吉祥花東風簾幙迷紅雨北海壺觴醉碧霞
幸遇歐陽欣賞過無雙亭子至今誇

王禹偁詩序永叔作無雙亭賞瓊花

爲葉姬五十生日

家道資賢佐平安過半生無疆坤德厚有子婦功成我
享清娛福人傳絡秀名最難堂上下見汝盡歡聲

吾家歸最久今昔感如何存沒幾人健悲歡惟汝多庭
階遲日永簾幙協風和守分平生意辛勤得笑歌

處處舟車共憂勞賴汝便八千長伴路五十未衰年問
字迂儒側談經繡佛前團樂關福慧兒女識親賢

祝汝綿年壽還鄉樂不窮藻花旁澗綠荔子故園紅杯
酒清和月釵裙儉樸風含飴歸內助次第笑論功

示幼女

等是明珠好何嫌入掌遲晚生娛我老嬌養得姨癡眷
口征衫換童心舞綵嬉幸渠知識淺未解世安危
大有而翁意迂歎厭俗塵耽書編甲乙問道守庚申乞
巧心思苦承歡笑語頻故鄉曾不識掩袂避家親

答友問桂林風土

烽火重談念轉憂殷勤客問粵西遊水從都會分離去
山到平原錯落收十畝桂花中戶產一條榕樹半城秋
賜書倘化干戈氣安得時平更上樓

謂陳文恭
賜書樓

贈楊繹堂太守

豫成

時以道銜署贛州府

儒官有用是能兵收拾莎廳作柳營義集三河唐子弟
功成一郡漢公卿灘迴鱣浪應多險路入獐驅愈不平
想見登臺頻顧盼茫茫八境待澄清

不須結髮學從戎無敵君家有將風嶺北諸蠻空跋扈
關西夫子是英雄化成已見雞豚樂邪盡全歸獬豸功
轉爲雅歌思鉅筆紀勲重與勒崆峒

贈叢瀛石太守

占鰲

時以知府攝贛縣

使車一下十經秋章貢安危據上游行政甚於行蜀道

借公真似借荊州

太守先宰贛縣禦賊有功既擢丞守仍留縣任蓋上官以替人難得例同

借寇遂逾十年

女垣日暮驚迴雁官路塵消見牧牛猶有兩河

無定骨競傳掩淚看民收

賊圍郡城東西兩河居民溺斃甚衆

養成節操樹檣柯藹有清風遇物加燕趙性情原不競

太守北人

龔黃事業只無華胸羅策籍供成竹手拔萑苻勝

種花誰識使君心力盡黃紬擁被放閒衙

題錢珊舟孝子刲股療母遺照應哲嗣香國大令

蘭之屬

藥香和墨尙薰衣孝子身應著肉芝看取黃泉遺藥去

世間多少寧馨兒

金創酬主藥酬親忠孝無過肯捨身爲語哲孫賢令尹

此圖應示守陣人

時香國大令率信豐寇至圍城子亦赴援解圍後大令出此圖屬題故詩

云云

李佩之少尉

恩銘

爲孝子再補一圖復題二十八

字

披圖悽惻想當年藥碗香鋪日夜煎一種苦心誰識得
傳神還借李龍眠

虔州旅懷

哀鴻病鶴不勝秋猶欲飛騰學壯遊歲月未消羊胛火

關山重入虎頭州談兵憤借留箸作客寒披季子裘

要盪危灘爲坦道明知惶恐敢停舟

奉委同辦軍務

巖疆百戰舊蠻邦幾輩英雄此建幢山限北南揮五嶺

水爭先後走雙江便收全境歸臨馭

謂八境臺

誰築層城待

受降盛世才人閒可消羣公題筆鼎能扛

八境臺自東坡後題詠甚多

多

扶搖無計苦卑官烽火况驚行路難只合短衣隨李廣

豈宜長缺歎馮謩青旗拂雨鶯三月白練嘶風馬百盤

落拓戎行君莫笑已從校尉脫儒冠

百劫消磨萬念空倘容間道入崆峒久經離亂無聞空
悔近家山作寓公雞口不豪防世縛牛頭雖老要人籠
鬱孤亦是英雄氣爲爾登臺唱大風

龍頭廟題壁

廟在龍南縣城北二十里廟前危灘舟人到灘必謁廟而後過過必請灘

師謂之
大王公

鎮日祠前作險聲暗中雷雨濟時傾不知渡盡船多少
留與灘師享重名

重過信豐縣與香國大令話舊

烽煙西蕩水東流兵散重來得小休滿地月明無影塔

隔江風定有聲樓

塔樓皆信豐古跡

閒中悟我登臨在亂後逢

君涕淚收一夕清談仍不易坐看盔甲尙峰頭

信有鏃盔鐵甲

兩峰

追輓門人裘笙白大令

華有序

笙白爲予庚子分校薦士其尊人裕吾學博則
子皋先兄丙子同年生也二十餘年兩家來往
餽問不絕予三分江闌門下士惟笙白至厚密
耳笙白大挑一等分發山東丁內艱回籍戊午

夏起服北上予餞於章門寓齋笙白舉酒向予
曰四方多故宦海茫茫年老師生不審何時復
聚聞之慘然詎別未兩月笙白途中凶耗遽至
悲哉襄氏爲江右巨家世傳盛德裕吾學博以
鄉貢舉孝廉方正爲人質直樸拙祖父皆尙書
而人忘其爲豪貴子弟長子僧知縣殉難次子
華亦知縣早逝三子帶軍功得縣丞尙未出山
學博垂老去職貧甚還鄉德厚遇窮天意何可
復料予於此詩不禁重誌慨焉

輕薄紛紛福壽俱似君無命獨悲予兩家契合科名錄
千里殷勤故舊書

聖代褒褒傳世後

詔問各省元臣
後裔裴家與焉

客途車鑒用兵餘

作詩轉爲西河痛窮老良朋感索居

輓錢香國刺史

纔返披星戴月車勞勞心力竟全虛一官五品疑非願

香國由縣令以同知直隸
州陞用聞報翌日遽逝

廿載重蓬夢不如世上已傳

爲縣譜室中惟剩教兒書轉思君病皆民病病在民貧

治廩儲時正
籌餉

贈池雲卿秀才

化鵬

翩翩儒服佩吳鉤，家是城門魏故侯。亂世功名文亦武，

秀才心事樂兼憂。漫勞鐵畫揮神筆，

雕刻金石皆精笑拊金

創脫戰裘

團練鄉勇親歷戎行解衣示予尚有鎗子藏臂內

知有班超奇骨相

羨君生長虎頭州

賀胡小珊記室

星渚

以軍功薦縣令

百里新聲殷若雷，經綸纔展檄頻催。幾人愛薦無慚色，

今日扶危不易才。讀律功成作霖雨，徵書情重起塵埃。

彈冠忽下知交淚，誰是王陽據上臺。

小珊爲錢香國刺史保薦，刺史亦以

軍功不次遷擢而遽
作古人故詩云爾

一手歌悲廖秀才

人俊 有序

廖秀才贛縣人咸豐丙辰率義勇援信豐六十
戰皆捷卒以陣亡其子孱屍僅獲一手先是賊
恨廖斬殺過多旣殺廖截一手書廖姓名懸掛
洩怒故廖之子得孱獲以歸鄉人用斗灰藏手
供於是鄉昭忠祠大吏事忙未及請 旌作詩
表之號曰一手歌

書生齷齪過一世隻手擎天是誰事吟詩收骨瘡江邊

情重轉嫌兒女氣虔州藉藉稱廖耶廖耶少小遊序庠
一朝投筆荷戈去義在不讓王鐵槍百戰圖功六十仗
一仗功虧遽身喪莫宏血湧碧波來丹心化作桃花漲
信豐稱我聞孝感關指心有子父骨安用尋借賊書名
桃江竟不朽天爲英靈留一手此手天下可以援惜哉廖耶
世不傳徒令鄉人拜手涕淚漣君不見睢陽吞賊憤嚙
齒南八求援誓斷指英雄寸體不虛生刻劃形容人青
史廖耶廖耶爾手無功爾不死

頻年兵火田野半荒偶見耕牛如逢瑞物口號二

章

劫到桃林第幾番落花啼鳥過春殘天憐農圃無顏色
夜雨催開黑牡丹

黑牡丹水牛也
見東坡詩註

盛時蕃息亂時稀看爾沉沉吟首重低祥瑞有麟威有虎
於人無益是閒蹄

看月同錢曉川池雲卿

明月不擇人一見吐無隱人亦不忍欺哀樂動相引明
月長在天幾夕見美滿自缺看到圓夜夜望不斷自幼
看到老年年望不盡望月期月明月明人輒散月也闕

人多能勿爲人懣息影吾無期行樂君有件及茲良夜
好歡會幸未晚舉杯邀月飲與月叙悃欸持此慰屋梁
他時念孤館

咏摺扇

附熱趨炎一掃空轉移風化見英雄乾坤闔闢無窮事
都在書生掌握中

紛紛輕薄豈風流賴有根原刻意修得似此君清到骨
一生瀟灑勝封侯

談虎有序

紀龍南也龍界江廣地僻民悍四劫成風界地
最險要處曰觀音閣大吏請於 朝就閣築城
移駐贛州府通判會率弁兵防禦民俗稍平咸
豐癸丑甲寅間粵寇犯江通省騷動龍人復狡
然思逞附閩土匪結連粵匪攻閣陷城官兵率
四鄉團練赴援土匪料眾寡不敵又歸附鄉勇
攻殺粵匪殆盡城乃克復是役也賊亦民攻賊
亦民龍人之強有力可概見矣己未夏廣督以
粵賊衝斥移咨江撫檄贛南鎮道調兵勇會剿

予奉委領定武軍赴龍初到兵民強不相下願
滋事端予極力彈壓調停卒乃聯合官兵鄉勇
會粵兵堵勦滅賊以歸旣撤龍防予復奉委過
信豐留辦是邑軍務有自龍南來者談龍地多
虎且云龍人強悍亦虎也因念龍俗之強龍防
之險聞談虎有感焉作談虎詩

龍人談虎人亦虎摹兒繪悍作虎怒虎亦畏人人不知
龍人談虎恐虎嗤談虎之人語不一誰得其皮與其骨
龍人避虎據龍頭石頭破龍人愁

龍南龍頭山爲一
縣鎮鎭邑令以山

石據灘阻客商舟行因鑿石通河龍頭山勢遠伏虎將
失龍地遂日凋零民愈窮則愈悍其勢然也

憑佛力作龍人乃破觀音閣長官畏虎焉得苛不苛虎
亦不渡河西虎未平東虎起爪牙巉巖結唇齒龍性難
馴虎氣腥防龍兵調虎頭城民不畏官豈畏兵勢欲虎
鬥兼龍爭我提一軍曰定武以武定武虎不虎功成虎
賁脫劍歸談虎終不誇虎威我聞山君噬惡如噬賊虎
爲仁獸無人識威權不屬安能仁吁嗟地上行麒麟

觀鷹有序

紀信豐也信於贛屬地較寬土較沃貧者妬富

弱者畏強相詐相欺積習成俗自江右軍興以
來是邑兩次被圍或招賊或餽賊賊半土匪焉
蓋欺詐之風使然也予領軍來是間屢與邑大
令言收土匪作鄉團庶不爲民患駐信數月寓
所繞屋長林旦夕禽鳥歡呼輒見一鷹突出肆
攫數鷹續來如招鳥雖悲號巢林如故若此鄉
處處皆鷹去無所之者因念收鷹以獵惡類猶
收土匪以禦強徒豈非計之得哉於觀鷹有感

焉作觀鷹詩

殺運茫茫收不得天助梟雄附之翼風毛雨血滿眼前
吁嗟弱肉而強食羽毛爭長正結羣雄飛雌伏何紛紛
危機若見若不見仰首但羨凌霄君飛鳴飲啄在天地
鷹與凡禽何必異胡爲飢驅性獨鷙一鶚英雄衆憔悴
天旣生鷹爲鳥雄安能使鷹性不兇賴結綵綬懸雕籠
雄姿入手宜有功奈何狐兔衝斥燕雀空鷹人臂鷹縱
鷹逸袖手旁觀歎何益

歸舟

自龍南信豐領
軍復回贛郡

歸舟回首太匆匆來是花紅去葉紅贏得飛騰無限意

滿江吹動鯉魚風

舟中漫興

輕裝小隊返塵征，偏爲荒涼感客程。
蔀屋幸存知有幾，半年賊盜半年兵。

風掃長雲浪激雷，記憑絕頂坐巖隈。
登臨莫笑書生怯，

曾拔龍頭一角回。

龍南龍頭山

英雄何必盡鬚眉，別有精靈綽約姿。
不見蕭蕭殘壘外，

芙蓉花照七姑祠。

七姑不知何神，虔南大小衙署皆有祠，想是英雄兒女耳。

感時流覽意逡巡，却爲悲秋轉憶春。
行盡桃花花不見，

似防知有避秦人

客途誰助愧囊慳推挽人稀阻亂灘

舟人以下灘添水手索錢

非是

無錢歸不得急流勇退古來難

新潮催促及秋生多謝江神勸駕情九十九峯彈指過
得歸身似片雲輕

盾自千張罌一枝磨人倏越半年期此行定上司空閣

功在新收幾首詩

司空圖詩儂家自有麟麟閣第一功名只賞詩

贈遮景和總戎

遮克敦布

豪傑推三輔功名第一人

會元

學書兼學劍榮世早榮

身文武傳家譜安危秉國鈞橫江初鎖鑰

初任定南廳橫岡都閫

專閫已經綸任但分章貢勞偏靖粵閩中衡看晉秩上

界應勾陳鷹隼千盤峻豺狼萬里馴敷高為鎮帥威遠

到黔民

擢貴州威寧鎮

記守虔南日驚聞嶺北塵綠林狂白梃

赤野焰紅巾慷慨提戈壯馳驅棒檄頻峯纔牛角觸牛

嶺饒州地名

州復虎頭瞑

贛州舊名虎頭州總戎先以贛標中營遊府調赴饒州防勦仍旋贛

沙石爭山率

沙石埠之捷

潭湖盪水濱

潭口湖頭兩捷

兩河圍頓

解謂贛郡東

八境化維均

贛有八境臺或謂八屬也上猶零都等縣皆總戎解圍收

復

寇既龍泉定

解龍萬兩縣之圍

兵仍驚渚巡

吉安有白鷺洲賊陷府城總戎

復吹饒喧故郡時方解信擊柝靜重闔謂先解郡城闔也蟣虱

猶寒甲貂蟬固苦辛蒼黎依保障歌頌勒貞珉賴郡士民爲總

戎立紀天下知楊業軍前想祭遵敦詩還說禮尙義更功碑

能仁鉅筆供揮灑華筵縱飲醇心胸疑斗宿肝胆本輪

囷風雅班生旅雲初郭令親似公誠赫赫得子况振振

謂哲嗣佛旗鼓先聲大弓裘後起新褒忠與駟馬錫勇

畫麒麟飲賜帶礪

朝廷典簪纓社稷臣承平期脫冑整暇仰垂紳將相寧

無種英雄別有真收降歸善類此意更超倫屢收降賊爲弁勇

虔州旅次贈馬仙樵

我行君正到歧遇各徘徊舍館憑誰定侯門爲爾開地
從惶恐過人是鬱孤來涉險胡爲者悽悽鼓角哀

作官兼作將今日竟誰知事了無恩怨言多有信疑

陽才易罪李廣數原奇莫恨函關道英雄匹馬馳

時議城旦

劫過重談道心於靜轉紛山中文武火戶外往來雲雞
犬嘲餘子猿禽識使君尙留三耳在安得絕聲聞

世事皆如此沉埋不算冤窮通楊子路貴賤翟公門境
困觀宜達身微道自尊廿年看宦海得意幾人存

題蘇東山鄉親鍾英詩卷

此生開卷見詩是紀行圖山水東西粵文章大小蘇船
停知估客囊滿付奚奴莫漫愁肱篋無人識寶珠

寄題聽雨樓

有序

出贛城南六十里有店店有樓雲巒四繞水竹
雙清名曰聽雨誌其聲也已未春予領軍赴龍
南過此小住以趕程一夕卽發擬軍旋信宿暢
叙幽情歸乃舟行不如所願寄題二律用補雅
遊

逐逐風塵裏胡爲有此樓生涯資野店眷屬住瀛洲水
竹聲皆雨寒溫氣盡秋管公高臥穩多事笑龍頭

聽雨平生意飄零况旅人半年今舊感一宿去來因客
枕猶聞瀑兵車未洗塵斯樓容易得難得是閒身

中秋日約馬仙樵裴雲浦邱戟門賞塲堂賴虛舟
登入境臺訪吳本和道士小飲臺上仙樵有詩

賦和二律

離亭欲發轉依依幸及良辰興不違高閣有緣看月到
故山無恙待雲歸閒中結客傾三雅亂後談兵獵一圍

任重身輕誰脫得六鈞弓力五銖衣

青衫披拂久塵緇愧共黃冠坐翠微仙客幾時騎鶴去
人生到處似鴻飛賣漿可隱終防濁食肉無慚幸不肥
玉狗銅龍應勿阻綠章纔上乞清輝

是夕天陰漏二下始漸見月

將返省門醉題旅壁

朝行東走暮西飛髀肉全消讓馬肥卻念主人供菜把
果然恩重忍輕歸

卽論西江十四州好山佳水任人收不知白鵲情何戀

飛去飛來只此樓

鵲有白鵲樓

瑟瑟秋風夜氣蒼掩篷推枕客停裝灘聲迸作軍聲起
又是封侯夢一場

瀕行猶上鬱孤臺不負茲遊有此杯一醉懽騰君莫笑
將軍曾換告身來

送仇毅生大令代理上猶

大令以虧欠公項被議
賦閒五載至是始復官

一蹶名場萬累牽乍聞驪首意欣然亦知借箸仍如客
不解吹簫便得僊才鈍正須磨劍石官貧已用典琴錢
艱難莫弔朝歌長錯節盤根力愈堅

四方邊徼警妖氛猶水迢迢亦要津百里烽煙新戰地

十年風雪舊遊人，艱危望政難容拙。凋敝除官畏卽真，
君正南行吾北去。聯鑣無力轉傷神。

景和總戎以貴州威寧鎮留守贛南呈詩

將軍借箸定干戈，坐擁專城握兩河。奉

詔特留知任重，薦章頻上覺才多。恩威感到麻哈長談，
笑降收藥葛羅最喜摩崖餘墨在。半供書績半詩歌。

老我塵途未肯休，執鞭才鈍幸蒙收。平津愛士慚青眼，
充國從戎笑白頭。馬意正騰呼勅勒，鳥音如喜聽鈎輅。
因公轉慰思鄉念，兩字平安報宦遊。

贛防銷差回省留別桂楣觀察

使君操險見宏謨
越巒荆此上都恩
重金章犀角帶
功成鐵券虎頭符
邊臣策敵謀難遠
下吏籌征計易粗

籌辦軍需
關務至要

過客莫輕形勝論
關前知許請纓無

書生橐筆走巖疆
進退飄然亦激昂
愧乏才名留衛鞅
肯因交誼薦稽康
依人畢竟成何事
知己由來不可忘
卻笑一書賢十部
此行真借壓歸裝

薦牘命
自帶呈

秋夜聽內子談歸途遇警事感賦

有序

內子爲桂林陳相國孫女知書善持家能耐勞

苦歸予家今三十年矣而住粵僅數年自予出
山值四方多故眷屬轉徙無恙皆內子維持調
護之力也丁巳予攝守饒州內子攜眷由閩歸
粵小住鉛山猝遇大股賊竄家具既罄家口紛
離內子於百險中攜全眷仍返章門省寓今又
三年矣厯險得安遇劫轉健內子有是德宜有
是福予則名場逐逐偕隱無能殊可愧耳偶談
憂患略述生平聊賦二章實寓百感

宰相嬌孫嫁腐儒漫談經濟老塵墟卅年聚散持中饋

四海安危寄外書，薄有虛名翻累汝。貧無交謫轉慚予，
柴車竹筥甯堪重。念是家風忍棄諸。

八口艱難付一身，保全雖幸挫摧頻。祖宗呵護留賢婦，
兒女顛連戀老親。鎗火夜猶蟲歎息，風霜秋倍鶴精神。
還家不敢呼鄉里，偕隱何山阻問津。

題尹平姪所作幽穿雪鴻圖

有序

圖畫山水人物花卉翎毛各二幅，尹平獄中作也。尹平以惡僕挾斥責之嫌，誣告致議城旦姪孫煥光送其父出關而還，攜此圖來江請題。憮

然賦此

一本五色圖血淚雜粉墨色色刺我心展卷讀不得吾
家世讀書書外無長物阿咸幼聰慧筆墨最超逸文字
誠賈禍奈何困僕役豈有穎士奴肯使主人厄所幸讀
書心顛沛不敢失昨日諸孫來爲父述悽惻在獄教兒
書餘事工設色觸目盡生機賴此懣稍釋因思古畫師
以畫寓陰隲地獄窮變相桎梏入紙筆吁嗟唐廉廣工
畫乃囚屈又思古治刑始念於畫發畫地而牢成畫衣
而教設持此示兒孫懷刑意可釋我更語諸孫寄父書

一尺亟作出關圖爲我示閭厯出塞應不虛麟圖立功
績勗姁諸孫窮途各努力

從孫煥光來江喜晤有作

千里家駒骨相奇越塵驚喜見英姿卻憐佳士誰青眼
若論諸孫汝白眉入洛年華供閱厯出關天意釀離化
卽今橐筆安危重便是依人要濟時

將入曾節帥幕中

世網重重豈得休身經多難付沈浮倉皇就道疑張儉
遲滯成家負阮修走馬看花遊子夢

時方下第

跨驢尋竹老

人愁思鄉別有南冠淚腸斷天涯海國秋

煖光姪孫呈新婚詩率 and 四首

大小登科一日收芹香不及桂香優老夫只慰興宗願

儘讓功名爾出頭

子入學與娶婦同日時稱佳話今姪孫舉孝廉乃娶勝予一籌矣

出關雖苦未堪傷文采風流在一堂賸取臙脂山上色

父添圖畫婦添粧

才似竇王女主知阿誰入幕得如斯此行橐筆須眉筆

要擅人間幼婦詞

婚嫁平章老鍊才今朝筐篋又親開笑予筋力應無限

爲汝經營兩世來

子臯兄宦山左時尹平姪同粵就親皆予爲之料理

故人徐東松松蔭讀書圖爲其壻吳信卿秀才贊

邦題

垂老故舊稀况乃遭世亂訪舊已無家親戚亂亦散故人則已矣誰與可遺翰憶自葬徐君故劍不忍看徒聞一星孤慘慘曙後歎中郎死無子遂恐手澤斷幸君有佳壻曾侍讀書案托與松蔭圖放筆爲直幹一片歲寒心請君自題贊調壻得津梁題詩亦璀璨攜卷訪我來感舊重把玩頻年擾干戈至寶等塗炭千卷萬卷書賴此無滅漶直是君功臣豈但作子半一枝徐陵筆今古

長煥爛

耆中丞自江移節吾粵黃韶九太守奉調隨辦夷
務因得歸里贈詩以榮其行

錦衣歸里績重新曾共從戎諒爾身慷慨攀龍推國士
顯榮下馬敬鄉人波翻黃木三更日塵擁紅梅十丈春
望氣定傳關吏報中丞騶從有翔麟

朝漢臺荒地已蒿平蠻何術泣英豪旌旗易拜雲中印
鋒刃難消日本刀征戰局成羞啟釁馳驅恩重肯辭勞
巖疆生長終防險安穩期君六轡操

軍功保薦述恩誌感呈李黼堂廉訪相

秉鑑羣公燭隱幽單寒八百一齊收

一保冊輒數百人

賢能報

國勞青眼勲業乘時美黑頭幕府政閒胸萬卷戟門威
重氣三秋巡宣亦是旁求事要爲軍庸次第酬

印殘重刻綬重披遭遇難逢古所悲百戰艱危憐我在

一官遲鈍賴公移揚雄便薦來何暮雍齒猶封喜可知

卻是終身忘不得記承溫諭立階時

饒防韓防兩保知府時皆已詳未

奏廉訪以詢功名遲滯救篤慰勉故詩云云

望湖亭漫感

十年烽燹大江氛見說廬峯亦被焚誰遣山靈遭此劫
一杯和淚弔匡君

顧盼凌空倦眼開一亭孤立倚雲隈無端惹動英雄氣
望見周郎舊將臺

風檣陣馬勢翩翩征戰由來地不閒半壁東南江左右
未應孤注屬孤山

樓臺高占護羣豪感我重來首自搔安得時平人地暇
了無功過作閒曹

回任吳城重望廬山放歌

我別廬山遂五年廬山笑我羈塵緣功名富貴可生死
百戰不管閒風烟歸來望廬間白鹿鹿乎得失亦逐逐
無端燒著香鑪峰劫火燃江照沈陸憶別廬山曾幾時
滄桑變幻真離奇紅羊一落黃鵠飛雷驅電走雲旗
我辭猿鶴騎虎貌衝十四州獵百圍從戎以來東北至饒西南至贛殆歷
百戰指揮卽定神已疲歸來望廬朔風吹吹我霜鬢凝雪
髭山神見我能勿悲青山白雲拼已矣憔悴青衫忽復
紫時以軍功詳保郡守也使君毋忘好山水山亦世情如有喜鳴
呼山亦何所悲山亦何所喜茫茫人事古如此成敗窮

通偶然耳上界求官下界仙官不如仙仙不死騎鯨李
白在前頭錦衣玉帶閒雲裏

袁州八景圖蔡子醇公子

繼曾屬題

亂後尋高士袁君此故山畫圖千古在風月幾人閒入
境聞吳詠隔江臨楚關丹青餘事耳投筆看征蠻

圖爲俞芝

恬筆時芝恬應者中丞聘
入幕將赴粵遲籌夷務也

公子趨庭暇翛然一卷開長官行樂地子弟世家才沙
白沈戈戟山青到酒杯登高年少事况有好樓臺

章立廷秀才

鴻達秋闈報罷載筆來吳出示闌稿

亦佳構也作詩慰勉

纔露光芒乍斂輝要成大器肯嫌遲上書報國才難稱
下第談文句易疵劒擬百金酬陸賈琴留一曲待鍾期
梅花忽忽江頭放報汝春風未可知

贈胡湘林秀才萬本時客吳城

胡楚人精刻圖章碑板

飄飄風雪渡江東白髮憐君作寓公磨石卽今成老大
捉刀從古是英雄山留岫嶺神碑在路入瀟湘釣艇通
萬事正須胡伯始艱難何術濟時窮

時以抽釐濟餉借司度支